

21.

1283, Luglio 22.

Società di mercanti in Ayazzo, per compra di Bombace, Pepe, etc.

Capta fuit pars in maiori Consilio, quod addatur in Comissione Baiuli Jacie, sive mittatur ei precipiendo per sacramentum, quod ponat ad majus consilium quod ibi habebit, quod mercatores nostri qui erunt ibi, debeant facere societatem de bambacio, boccarano, et pipere; et si captum fuerit per duas partes ipsius maioris consilij, de facere ipsam societatem, quod possit, et debeat eis precipere in illis pennis, que ei videbitur; quod ipsam societatem faciant; et quod aliquis emere non possit nisi illi qui ad hoc fuerint constituti et illi qui post modum illuc ibunt, sint in illa societate, et habeant illam partem que eis veniet per ratam, postquam ibi erunt; et de hac societate facienda intelligatur de illo, qui habuerit a ducentis Bizantiis supra secum.

[Luna, f. 17].

22.

1283, Luglio 22.

Commissione al Bailo Marino Badoer d'imprestare per la riparazione della sua Tareta.

Item. Quod fiat Commissio nobili viro Marino Baduario Baiulo Jacie de accipienda pecunia mutuo supra nostrum Comune, pro facienda aptari et teneri in concio Tarreta, quam habebit ibi, pro utilitate mercatorum. Verumtamen dictas expensas facere debeat cum maiori parte sui Consilii grandis.